

weme, das ich midt wolbedachtem mude und gutem willen und midt erfglauwe vorlasse und gebe dem erwirdigen in godt vater und hern ern Hinrico Bukenowe abbete unde dem gantzen capittel des heiligen goteshauses sancti Iohannis baptiste zu Berghe vor Magdeburg des ordens sancti Benedicti thu meyn und meynere eltern selen zu troste und selikait willen achtzen schilling pfennige Magdeburgische wehrunge ierlicher zinse an zwo huffen landes gelegen uf der mareke zu Korlinghe, die ich von demselbigen goteshuse zu lehene hadde, als benomeliken diese nageschrieben: Heinrich Muller wonhaftich zu Altenweddingen hat eyne hufe landes under seinem pfluge, die rentet alle iar IX schilling pfennige Magdeburgischer werunge zu zinse, Hans uffem hofe zu Schwaneberge wanhaftig hat eyne halve hufe landes, die alle iar rentet zu zinse V schilling Magdeburgisch pennige, ern Ian Leytzk vicarius zu sante Nicolao uffen nienmarckte zu Magdeburg hat ein vierteyl landes, das alle iar zu zinse renthet II schilling pennige Magdeburgisch werunge, und Luder Wilkens wonhaftich zu Oldenweddinge hat auch ein vierteil landes von Walen Fogedes weggen, das er von ihr hat zu pechte, das renthet auch alle iar zu zinse II schilling pfennige Magdeburgisch werunge. Diessen genanten acker zins und lehn habe ich ergenante Hennig Schortawe verlassen und verlasse in craft dieses brives und gebe sie den vorgeanten hern in solcher wyse, das die hern in den capittel, wen sie darzu schicken sollen, einmanehn lassen und aufnehmen den genanten zins alle iar auf sanct Mertens tag und das vor meynere selen, Druden zelen, die meyne ehelche hausfrowe gewesen is, Reynhardes Henniges und Iacobes zelen, de unser beiden kinder sein gewesen, und auch vor eynes Reynardes und Hedewigen zelen, die meine eltern sein gewesen, und all meynere lifhoveder zelen ein ewig gedechniss thun midt vigilien und midt selmessen zu ewigen zeiten zu halten alle iar des wirdigen tages nach assumptionis Marie und denne den zins unter sich zu delene in dem capittel nah ires goteshuses gewonheit. Diese vorlassunge und gift des vorgeanten ackers zinses unde leens lofe ich in craft dieses brives von meynere und all meynere erven wegen stede gantz und fest zu halten in der vorschrieben weise, also das ich oder meyne erven oder nyemandt von unsert wegen dar ienighe ansprache ane haben sollen oder wollen. Des zu urkunt und mehrer wissenschaft willen so haben wir abt Heinrich vorgeant vor uns und vor unser nakomelinge unser ingesegel und ich irgenante Henning Schortowe vor mich und vor alle meyne erven meynere ingesegel wissentlich und midt guthem willen hengen lassen an diessen briff. Gegeben nach gottes geburth dausent iar virhundert iar darnach im dreyundzweyzigsten iare des Mittwochs in unser lieben frowen tage lechmissen.

*Abschrift im Privilegienbuche S. 220—223 mit der Ueberschrift: Korlinge XVIII solidi in agris Scartow. F XI.*